



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Liber Theologiæ Moralis, Viginti Qvatvor Societatis Iesv  
Doctoribvs Reseratvs**

**Escobar y Mendoza, Antonio de  
Lvgdvni, 1659**

II. De Missæ celebratione.

**urn:nbn:de:hbz:466:1-41066**

## C A P V T   I I:

## De Missæ celebrationē.

15. **Q**uoties tenetur Sacerdos in anno Missæ celebrationi optram dare? Probabile est, ter, vel quater in anno satis futurū, si nullum inde scandalum, vel damnum ipsius spirituale sequatur. Porro quotidiana celebratio in præcepto non est, sed in consilio; & aliquando nedum absque peccato sed etiam cum merito potest intermitte.

*Conventus  
alibus*  
16. **N**um præceptum Ecclesiasticum, ut in aliquibus Ecclesiis quotidie celebretur? Est quidem in Ecclesiis Cathedralibus, & Collegiatis præceptum ut quotidie celebretur, dempta feria sexta Parasceues; feria autem quinta in Cœna Domini vna tantum Missa publicè à primario Sacerdote solet celebrari: priuatum autem etiam possunt aliæ dici, & publicæ matutino tempore, vbi talis vigeret consuetudo: Sabbato vero sancto vna tantum publicè celebranda est: priuatum ab hora Paschalis officij etiam aliæ scandalo excludo.

17. **Q**uoties in die sacrificare licet? Semel ordinario iure si diem Natalis dominici excipias, vel si unus idemque Sacerdos plures Parochias haberet, & coadiutorem commodè sortiri posset.

18. **Q**uodnam sacrificandi tempus? Ab aurora ad meridiem usque moraliter accepta, & satis est si vel finis Missæ in auroram cadat, vel initium in meridiem.

19. **Q**uinam ad Missam locus requiritur? Sacer esse debet, ut Ecclesia, vel oratorium benedictum. **Q**uid si violaretur? Ante purificationem celebrandum non est. Hic profectò locus communis dicitur. Proprius est Altare, hoc est altaris mensa lapidea, & consecrata. Sine altari huiusmodi sine fixo, siue portatili non potest sine peccato celebrari.

20. **Q**uenam in Altari ~~ad~~ Ecclesiastico præcepto esse debent? Quinque, duplex mappa, vel una plicata, corporale ab Episcopo consecratum, lumen ardens ex cera, Missale, & Crucis imago. Vasa autem ad id necessaria, Calix & patena ex auro, vel argento, vel stanno, & ab Episcopo consecrata.

21. **A**n necessariò opus officium diuinum precedere Missam Sacramentum? Minime; imò si aliqua de causa omittatur, etiam si mediocris sit, nullum peccatum est; si nulla adsit causa veniale.

22. **Q**uid

22. *Quid de sacris vestibus?* Vsus earum congruentissimus, & Ecclesiastico præcepto necessarius est. Benedictæ esse debent, & absque iis sacrificare non licet: si tamen absque una vel altera ex minoribus Sacrificium offerretur, secluso contemptu, aut scandalo, mortale non esset. *Potest ne nudis pedibus, aut cooperio capite sacrificari?* Nisi grauis infirmitas, aut Episcopo absente necessitas excusaret, non licet. Quod si ad id agendum diurna necessitas adigat, Episcopi dispensatio requirenda.

23. *Quinam in orbis ritus seruandus?* Ut in Missali præscribitur. Vnius tamen diei Missa priuatim potest immutari, præsertim ex causa cum altera alterius diei, nisi peculiaris obligatio adesset vel ex stipendio, vel institutione. Preces ex deuotione addendæ non sunt nec publicè, nec priuatim.

24. *Quidnam de actionibus?* Peccatum esset suo genere mortale, si vel nouus adderetur ritus, vel antiquus omitteretur, nisi materia leuitas, aut ignorantia excusaret.

25. *Quisnam modis ministri obligari possunt ad celebrandum?* Primò ratione beneficij, in quo eius institutio attendenda erit, & obseruanda, vt si capella aliqua sit: si vero curatum non est obligatio singulis diebus offerendi Missam pro suis ouibus: sed aliquoties, vt Dominicis diebus, nisi consuetudo, aut declaratio Episcopi aliter docuerit. Secundò ratione stipendij accepti, & ex contractu oritur sacrificandi obligatio: iustum autem esse censetur siue quod Capellæ eam ob causam relictum est, si ex ea confurgat obligatio: siue quod à Superiore taxatum est, siue quod consuetudine introductum. Non est autem eius æqualitas, & iustitia mensuranda ex congrua sustentatione Sacerdotis pro iis diebus, quibus datur, cum aliæ supersunt actiones facienda, pro quibus etiam stipendum aliquod lucrari potest, & actio sacrificandi non exigat integrum diem. Pro vna Missa non potest exigi nisi vnuin adæquatum stipendum, illudque ab omnibus sumi potest, siue pauperes sint, siue diuites, siue absque beneficio, siue cum illo, modo obligationibus ex eo nihil detrahatur. Neque Parochi à recipiendis huiusmodi stipendiis excluduntur, cum possint iis diebus, quibus pro suis ouibus sacrificare non tenentur, offerre sacrificia pro aliis. *Num Sacerdos pauper duplicita stipendia ob paupertatem referre potest?* Nisi esset extrema, aut singula stipendia iusta non essent, haud potest referre duplicita.

26. *Num*

174      *Moralis Theologiae Tract. I. Leges,*

26. *Num necessarius Minister adiuuans in priuatis Missis Ecclesiastico præcepto necessarius est, isque vir, fœmina minimè, nisi fortè è remoto loco respondeat, ut monialis in choro.* Porro in necessitate etiam sine ministro sacrificari potest.

---

C A P V T   I I I.

*De Missæ audienda obligatione.*

27. *Veniam fidelibus Missæ audienda obligatio?* Ecclesiastico præcepto festis diebus fideles omnes sacro audiendo tenentur. Quod quidem voluntariè absque legitima causa excusante omittere etiam semel mortale crimén est.

28. *Num totum sacrum audiendum?* Ita planè, & si notabilis pars non atendiatur, v. g. maior parte quarta, videlicet ab introitu usque ad Euangelium exclusiù, præcepto non satisfacit.

29. *Quid si notabilis pars omissa sit?* Si inuoluntariè omittitur, suppleatur per aliam; si voluntariè animo non audiendi aliam, ultra mortalem culpam, manet obligatio præceptum implendi, si nondum tempus satisclapsum. *Impletur ne audiotione partis alterius Missæ?* Ita planè, et si consultiū esset vnius integrum audire.

30. *Impletur ne præceptum per quamcunque Missam?* Ita planè et si votiva esset, vel defunctorum, etiam si ritu Graeco, vel Syriaco celebretur.

31. *Quænam præsentia, aut attentio requiritur?* Requiritur quidem corporalis præsentia moraliter sumpta, ut nimium percipere possis, quid agatur: intentio autem virtutis saltem audiendi: nec obest alia prava intentio ut aspiciendi libidinosè fœminas priori coniuncta, dummodo requisita adsit attentio vel ad res sacras, vel ad ea, quæ dictis aut factis significantur, vel ad diuinā. *Si inuoluntariè aliquando distrahor?* Remanet virtualis attentio cum qua afflere cœpisti.

32. *Possunt ne in Missa Psalmi, vel aliae preces, etiam ex obligatione recitari, & impleri pœnitentia in Confessione habita?* Possunt; quia cuncta eidem fini adiiciuntur, modò debita sacris actionibus Missæ non desit attentio.

33. *Quænam*